

蹟志

名賢精造臺沼增光君子畱題山川生色蓋地以  
 人傳今緣古重官有餘閒琴彈舊竹客多雅集舟  
 之西湖拈毫益靈湫之勺山下湧泉投錢占周易  
 之爻江干賣卜如斯勝地綽有遺蹤摩挲舊碣尙  
 留鳥篆之題檢點殘磚多被苔錢之蝕所賴能文  
 學士雅意裁詩守土循良深心愛古務使風流宛  
 在莫教今昔頻殊忘古蹟

漢州志

卷十

古蹟

三

四百零四

廢雒縣

今治北一里許漢高帝六年置廣漢郡轄  
 縣十三其一雒按石亭江白魚河沉犀河  
 皆雒水沉犀透迤城東北雁水來入之縣在雒  
 之陽今廢瓦礫猶存通鑑注金雁橋在漢州雒  
 縣東雁江上前漢陳寵傳先是雒縣城南每陰  
 雨有吳聲積數十年寵聞而疑云云可證以  
 其源出什邡舊籍孝泉故德什兩縣均誤收又  
 舊通志誤以為卽今州治

湔陽故城

治西南南北朝置以其在湔水  
 之陽故名今古城墟卽其地

懷中廢縣

治北後唐廢  
 遂寧君壽廢

七星井

城內元妙觀漢嚴  
 遵鑿以鎮火

卜卦臺

元和志若平一臺在漢州雒縣東一里寰  
 宇記君平卜臺在雁橋東臺高數丈

講道臺

州治東北隅開元寺前宋程珣守漢州子  
 顯頤隨侍講道於此臺址尙存滄陽張珏

立碑識之

三賢堂

學宮前祀明道伊川南軒堂久  
地遺址尙存二亦作先

清心堂

城內舊通判署宋  
文何建今無考

武侯津

治西清白江相傳諸葛武侯津濟處後唐  
長興三年孟知祥敗董璋追至武侯津卽

此水也舊志誤作五津  
府舊通志誤作五侯津

按通志古蹟載葭萌城在州東五十里或以爲漢

故縣李州東界不及五十里其古界五十里有

古店驛城址尙存今屬中江故省又載西五城

故城寰宇記在縣界劉宋元嘉九年以舊五城

漢州志

卷十

古蹟

三

三百四十六

郡置新城郡復於此置西五城查五城係中江

舊名古廣漢郡所轄之郫縣分置也西者在中

江縣之西也卽似指古店驛城而言今州西無

亦省

舊竹亭

王士正秦蜀驛程後記房公彈琴處舊有  
竹亭李衛公劉賓客賦詩憑弔之處不可

識矣

房公石

在州署二堂前唐刺史房瑄遺蹟升菴有  
記詳藝文志成化二年知州柴廣表云唐

丞相房瑄罷相職改爲漢州  
刺史立石今呼爲房公石

張南軒讀書處

治西門  
谷亭

南興善院 坊坊今地為南軒

黑塔 唐類函益州維縣寺塔為三龍所護詳外紀

往往掘得遺碑時今五里巷即廢維縣故居民

街炳靈祠明人碑碣已載其名第不詳黑塔源

迴瀾塔 州治南高北低雁洛二水自北遶東界一

塔以障二水之東之則州人士科名食祿較餘

遠焉適見賈氏秦湔書屋壁間古磚長尺許印

迴瀾塔三字係百年前物知前人已在此舉舊

湧泉 治東北三十五里宋

漢州志 卷十 古蹟 四百零三

一笑草堂 治東唐家堰第一山之西

勸農亭 明知州楊名述真西山勸農章勤

周孝子故里 治南十五里齊水寺

搖草碑 治北四里

沱水碑 城北漢陽街明

附 沱水碑辯

碑在州城北雁江上高五尺徑三尺許每字大二

尺許明知州王經判官范時用施欽吏呂譚鑣立

彭縣關口石壁亦有之按禹貢岷山導江東別為

沱孔安國曰江東流沱南行漢書曰蜀郡郫縣禹貢江沱在酉東入大江郭璞爾雅音義沱水自都安瀾堰與江別而更流蔡氏集傳曰沱江流於梁者也地理今釋沱在梁州者則今之成都府郫縣沱江是江在縣北六里一名郫江至瀘州入大江其上流爲成都灌縣蔡傳所謂永康軍導江縣也括地志繁江首受郫江卽禹貢江沱也是江沱有郫江繁江之稱林三山曰江水溢出別爲支流者皆名沱李太初蜀水經云沱首受江自灌縣城南

漢州志

卷十

古蹟

三

三百六十九

別都江而東流今以諸說及形勢考之沱之支流分合不一沱之名義繁簡亦殊皆隨其所經而名也其經郫繁界者一支受江水經太平橋分支東爲沙子河又分東南爲泊木河二河合流爲羊子河又一支受江水經迴龍橋北受毛洞溝水又東北爲渡船河受南溪茅草溪土溪諸水東經漢州向陽場爲武侯津又名清白江

沱在繁邑卽名清白江此承上流而

又東受濛陽水又東受馬牧河又東受老虎

受綿維二水經金堂焦沙坡北至趙家

都者一支受江水爲督橋河又一支受江水爲  
拒馬河又一支受江水爲錦水河又一支受江水  
爲毘橋河以上四支俱經新都界合流經金堂焦  
沙坡南至趙家渡與清白江匯入峽皆沱水也其  
未匯之先有當分晰者清白江督橋河拒馬河錦  
水河毘橋河皆可謂之沱以其受江水也綿維二  
水及所受之雁水皆不可謂之沱以其不受江水  
也至合流入峽出峽經懷安軍簡資內江富順至  
瀘州入大江止總名曰沱此地理今釋之與經合

也再沱江至漢州名清白江亦名湔江李太初蜀  
水經云沱江江之支流也漢書湔水出玉壘山東  
南至江陽郭璞謂玉壘作東別之標酈道元水經  
注謂湔水出綿道亦曰綿虜之玉壘又東別爲沱  
是皆以沱江爲湔下流而非江支流矣綿湔合流  
已遠安見東別者之必爲湔水哉禹貢係江不係  
湔也按玉壘卽岷山高而綿亘積雪不化故以玉  
名江陽卽今瀘州湔以沱之所經而言源委本自  
明白漢書不合舍禹貢導江東別等字而別言玉

壘水經注又添綿虎字以致議論紛紜耳沱之名  
湔江者亦名中江以其至焦沙驛南合督橋河拒  
馬河錦水河昆橋河諸河為前江以其至焦沙驛  
北合綿雜諸水為後江也漢書以湔為經流水經  
以雜為經流至江陽稱綿水口又以綿水為經流  
今合前後中三江而論則湔為經此漢書之所指  
也合湔督橋錦水拒馬昆橋諸水而論則錦水為  
經此宋河渠志與雲棧紀程之所指也皆沱江也  
今漢州沱水碑在雁水上雁出彭縣三郎鎮非出  
岷江不得指以為沱明甚王氏炎曰與江分處為  
上沱與江合處為下沱程氏大昌曰江有汜詩汜  
漑沱三者輾轉交稱皆與聲協可見沱不主一地  
不專一名也故荆亦有沱蜀人稱水深聚澤洄者  
曰沱碑義取此姑撮諸說以備考核

八景

西湖夜月

治西方輿勝覽唐刺史房瑄鑿洲島回  
環凡數百頃宋熙寧中奏望為田城隅

道蹟一水盈盈每月夜上下交輝憶

少陵諸公觴詠其間極一時之盛

東嶺朝霞

治東三十里連山峯巒絡繹如列畫屏  
天初曙霞彩爛斑氣象千萬天台赤

彷彿

金雁晴開

北門外雁江虹橋跨水值宿雨初收迺湖縹緲得日光激射成寂遊人多娛目

買心

奎嶼文筆

治東南臨傑閣憑城插空轟轟如文筆然登眺連山蒼翠欲接瀚維諸水襟抱

煙火望中收也

泮鯉呈祥

學宮外泮池有石門遺跡值大北之歲六六紅鱗躍波游泳士子以卜科名人

數屢驗

卜臺示印

金雁橋西北有君平先生卜卦臺高若印形雁江雒水襟帶左右而竹樹陰森

最堪遊憩任豫益州記云在雁橋東者古橋直對城門故也

古蹟

漢州志

卷十

美

二百八十五

柏擁仙宮

城內西街元妙觀前後古柏環遶每遇晴霽絳殿蒼陰宛然仙境城市翬塵至此別爽

八心目

桂香禪院

治東北隅開元寺有古桂數株秋高花放香若麝蘭為詠桂子月中之句宛然

靈鷲仙蹤顏藏經樓日天香蓋取此

漢州志卷六

戶口志

古者司徒稽民數冢宰上之王者受之蓋以生養  
息驗時政之得失義甚大音甚深也我

國家承平日久生齒日繁每歲比較增之又增按冊  
而稽可以徵

聖德涵濡焉志戶口

一自雍正元年起原載男壹萬肆千貳百叁十丁  
婦捌千捌百貳拾口

漢州志

卷六

戶口

二百四十六

共男婦貳萬叁千零伍拾丁口

一自乾隆元年起至六十年止共壹萬玖千玖百貳

拾貳戶男叁萬玖千捌百捌拾丁 婦叁萬玖千

叁百叁拾柒口

共男婦柒萬玖千貳百壹拾柒丁口

一自嘉慶元年起至十六年止共貳萬叁千柒百零

男伍萬柒千肆百零壹丁 婦伍萬貳千壹

伍百玖拾貳丁口